

Na osnovu člana 32. Statuta Općine Velika Kladuša („Službeni glasnik Općine Velika Kladuša“, broj: 12/11) i u skladu sa članom 1. i 2. Odluke o raspisivanju Javnog oglasa za imenovanje dva člana Općinske izborne komisije Velika Kladuša („Službeni glasnik Općine Velika Kladuša“, broj:2/17), Općinsko vijeće Općine Velika Kladuša, raspisuje

JAVNI OGLAS
za imenovanje dva člana Općinske izborne komisije
Velika Kladuša

I

Raspisuje se Javni oglas za imenovanje dva člana Općinske izborne komisije Velika Kladuša.

U skladu sa Odlukom o utvrđivanju kvalifikacija za članove izbornih komisija zainteresirani kandidati uz prijavu na Oglas dužni su dostaviti slijedeća dokumeta (original ili ovjerene kopije):

- prijava na Javni oglas
- dokaz o prijavljenom prebivalištu na području Općine Velika Kladuša,
- diplomu o zvanju diplomiranog pravnika, ili o drugom zvanju VII stepena stručne spreme društvenog smjera, ili više škole, odnosno VI stepena stručne spreme društvenog smjera i
- dokaz o iskustvu u provođenju izbora (članstvo u izbornoj komisiji, i članstvo u biračkom odboru, rad u stručnim organima koji su pružali pomoć u provedbi izbora, objavljivanje stručnih i znanstvenih radova).

Članove Općinske izborne komisije Općine Velika Kladuša imenuje Općinsko vijeće na period od 7 (sedam) godina isti počinje teći od dana dobijanja saglasnosti na imenovanje od Centralne izborne komisije Bosne i Hercegovine.

Prijavljeni kandidati pored posebnih uvjeta moraju ispunjavati i opće uvjete za člana izborne komisije propisane članom 2.2 i 2.3. Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16).

Sastav Općinske izborne komisije u skladu sa mogućnostima i strukturom prijavljenih kandidata treba odražavati strukturu stanovništva Općine Velika Kladuša prema posljednjem popisu stanovništva.

U sastavu Općinske izborne komisije nastojat će se osigurati da broj članova manje zastupljenog spola bude najmanje 1/3 (jedna trećina) od ukupnog broja članova Komisije.

II

Javni oglas za imenovanje dva člana Općinske izborne komisije Velika Kladuša ostaje otvoren 8 (osam) dana od dana objavljivanja u dnevnom listu „Oslobođenje“.

Pismene prijave zainteresirani kandidati sa dokazima o ispunjavanju uslova iz Javnog oglasa podnose predsjedavajućem Općinskog vijeća Općine Velika Kladuša neposredno putem Centra za pružanje usluga građanima Općine Velika Kladuša na adresu: „Općina Velika Kladuša, Ulica Hamdije Pozderca, broj 3, Velika Kladuša, 77230, sa naznakom „Prijava na oglas za imenovanje dva člana Općinske izborne komisije Velika Kladuša – ne otvarati“.

Obrazac prijave zainteresirani kandidati mogu preuzeti u zgradi Općine Velika Kladuša, Ulica Hamdije Pozderca, broj 3, na info pultu Centra za pružanje usluga građanima (šalter sala).

Nakon isteka roka od 8 (osam) dana i zatvaranja Javnog oglasa Predsjedavajući Općinskog vijeća Općine Velika Kladuša će u skladu sa odredbama Upustva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i hercegovini i Odluke o raspisivanju Javnog oglasa za imenovanje dva člana Općinske izborne komisije Velika Kladuša, zadužiti Komisiju za izbor i imenovanje Općinskog vijeća Općine Velika Kladuša, da provede proceduru utvrđivanja liste kandidata za članove Općinske izborne komisije i istu dostavi Općinskom vijeću na nadležno postupanje.

III

Javni oglas za imenovanje dva člana Općinske izborne komisije Velika Kladuša bit će objavljen u dnevnom listu „Oslobođenje“, na zvaničnoj web stranici Općine Velika Kladuša i oglasnoj tabli Općine Velika Kladuša.

(Ime i prezime kandidata)

(adresa stanovanja)

OPĆINA VELIKA KLADUŠA
Ulica Hamdije Pozderca, broj 3,
VELIKA KLADUŠA, 77230
n/r predsjedavajućeg
Općinskog vijeća

PREDMET: *Prijava na Javni oglas za imenovanje dva člana Općinske izborne komisije
Općine Velika Kladuša*

*U ostavljenom roku prijavljujem se na Javni oglas za imenovanje dva člana Općinske
izborne komisije Općine Velika Kladuša objavljen u _____, dana _____ 2017.
godine, i o sebi dajem slijedeće podatke:*

*Rođen-a _____ godine u _____, Općina _____,
Sa završenim stepenom stručne spreme _____, zanimanje _____,
trenutno zaposlen u _____ na radnom mjestu _____*

Ostali biografski podaci:

PRILOG:

1. _____,
2. _____,
3. _____,
4. _____,
5. _____.

Podnosilac prijave

U Velikoj Kladuši, _____ godine.